

OPVSCVLVM  
DE SENA,

3

PLANTA INTER OMNES,  
quotquot sunt, hominibus  
beneficentissima &  
saluberrima.

AVTORE ANTONIO MIZALDO  
MONLVCIANO, MEDICO.

BIBLIOTECA NAZ.  
ROMA  
S. FERDINANDO EMANUEL



LVTETIÆ,  
Apud Federicum Morellum Regium Ty-  
pographum, in vico Bellouacensi.  
M. D. LXXII.  
CVM PRIVILEGIO REGIS.

## S V M M A P R I V I L E G I I .

**R**EGIA sanctione cautum est, ne alius quispiam præter Federicum Morellum, Regium Lutetiæ Typographum, hoc *Opusculum de Sena, planta inter omnes, quotquot sunt, hominibus beneficentissima & saluberrima*, Autore ANTONIO MIZALDO Monluciano, medico, intra quinquennium absque manifesto eiusdem Mizaldi consensu, sub Regis ditione imprimat, aut vendat. Qui secus fecerit, libris & pœna in sanctione æstimata mulctabitur. Concessum fuit Priuilegium Lutetiæ Parisiorum die quinta Octobris, 1570.

Per Regem in Consilio,

DENYS.



SPECTATÆ VIRTVTIS  
& eruditionis viro, IOANNI  
LE CHARRON, Lutetiæ in Cu-  
ria Vectigalium Præsidi, & Pari-  
sienſium Mercatorum Præfecto,  
ANTONIUS MIZALDVS  
medicus, S D.

**D**RÆCLARA  
& memorabilis illa  
de Quintio Cincin-  
nato Historia, cui, vt  
ſcribit Plinius, qua-  
tuor ſua iugera in Va-  
ticano aranti (quæ erant, Columella te-  
ſte, auitum eius herediolum) Viator, ni-  
hil tale expectanti, Dictaturam attulit,

A ij

## EPISTOLA

& trepida ante boues, vt canit Persius,  
 Dictatorem induit vxor: illa, inquam,  
 historia, mihi ob oculos ponit, Præses  
 spectatissime, nuper tibi oblatam &  
 adlatam Parisiensium Mercatorum, ut  
 vocant, Præfecturam, qui summus est  
 ciuium & populi magistratus. Nam  
 cùm tu nihil tale expectares, potioribus  
 ciuium & minorum vrbis magistra-  
 tum sententiis & suffragiis, ad id fasti-  
 gij selectus & uocatus es: assentiente  
 & suffragia probante Christianissimo  
 Rege CAROLO, cui placuisse, non  
 ultima laus est. Quod factum, simul  
 ac fama mihi nunciauit, statim ani-  
 mum meum tanta inuasit letitia, vt  
 prorsus dubitarem cui nam gratulari  
 deberem: tibine, cui tam insignis digni-  
 tas contigerit, an vrbi quæ talem habi-  
 tura sit Præfectum, an Regi, qui tan-  
 tum suis ciuibus & Parisiensi populo

præfecerit Nestorem, an potius mihi  
 qui tibi sum amicissimus, & ob id for-  
 tunarum tuarum particeps fieri debeo?  
 si quidem uera sunt quæ Pythagorici  
 tradunt, πάντα φίλων κοινὰ: καὶ, φίλον  
 ἔπεσον ἅντῃ εἶναι. Si quid, mihi crede, in  
 rebus meis esset unione uel candidius,  
 uel preciosius, ego hac nota libentissimè  
 signarem eum diem, in quo non lubrico  
 exoculata Deæ fauore, sed tribuum,  
 & optimatum Urbis, concordi calculo,  
 gratoque Principis assensu, eo magistra-  
 tu, bonis, ut dicunt, auius inaugura-  
 tus es. Quod felix faustumque sit pre-  
 cor & opto. Non etenim ignoras quan-  
 to cum onere, nedum honore, illa pro-  
 uincia, hoc præsertim tempore, tibi obe-  
 unda sit. Verùm enim uerò, qua es mo-  
 destia, uirtute & prudentia, quam na-  
 ctus es Spartam, circumspectè, & Dei  
 Opt. Max. præsidio, inculpate, reges &

## EPISTOLA

adornabis: Quod reliquum est, ut nouo aliquo munusculo, nouum hunc magistratum tibi gratularer, uisum fuit, ceu palàm testato animi mei gaudio, in tuo nomine publicare, & tibi officiosè deuouerè Opusculum hoc de SENA, planta inter omnes, quotquot sunt, hominibus beneficentissima & saluberrima: ut quod medicorum est promittant medici, & tractent fabrilia fabri. Quale quale est Opusculum, de eo dicere haud quaquam dubitem quod de philosophiæ studio scripsit Horatius,

*Æquè pauperibus prodest, locupletibus æquè:  
Æquè neglectum, pueris, senibusque nocebit.*

Illud itaque placidè, pro tuo candore, excipere, & in munusculorū meæ erga te non uulgaris & ueteris amicitia habere dignaberis. Quod factū si intellexero, non solū conatus meos ad meliora promouebis, sed & me ipsum tibi deditissi-

*munum semper habebis. Verum hæc satis, præsertim apud eum cui Populi commissi, & magna negocia curæ. Fæliciter itaque vale, Præses æquissime, & Præfecte vigilantissime, in eo qui omnium valetudinem & salutem in manu habet: cuius immensa bonitas, & te, & eximium socerum tuum in regiarum rationum collegio, vel, ut loquuntur, Computorum Camera Magistrum, mihi semper & vnicè colendum, diu Reipub. incolumes custodire dignetur. Lutetia, Calendis Septembr. Anno CHRISTI, 1572.*

IO ANNIS DECVLLANT MON-  
LVCIANI, IN SENATV PARISIENSI  
Aduocati, Ode diculos tetraſtrophos ad  
Ant. Mizaldum cognatum chariſs.

Να, ΜΙΖΑΛΔΕ, *vides quòd celeres citò  
Anni diffugiunt, atque dies boni:  
Noſcis quid valeat ſudor, & ocium  
Quàm ſit triſte malum nimis.*

*Præclarè ergo facis dum vegetum viget  
Iam nunc ingenium, & firmus adeſt calor,  
Scriptis velle tuis noſcere poſteros,  
Te vixiſſe nepotibus.*

*Debent multa tibi docta μαθήματα,  
Debent ἱατρικὴς ſcita ſalubria,  
Nam cunctis aperis quæ præcioſa ſunt  
In his, ingenuè, artibus.*

*Non ingrata ferent ſæcula gratiam  
Poſthac: & Dominus qui colit vnicè  
Doctos, atque bonos, ne dubita, tibi  
Mercedem dabit optimam.*

ἐκ πόνου τὸ κλέος.





D E S E N A, P L A N T A  
*inter omneis, quotquot sunt, homini-*  
*bis beneficentissima & saluberrima,*  
 Opusculum, Autore A N T O N I O  
 M I Z A L D O Monluciano, medico.



V I A nullum ho-  
 die purgans me-  
 dicamentum sim-  
 plex tam frequens  
 habetur in ore &  
 opere, non dicam  
 vniuerso medicorum ordini, sed  
 etiam omni ferè populo, quàm Se-  
 na: idcirco precium operæ factu-  
 rum me putavi, si illius historiam,  
 vsum, facultates & præstantissima

*Nullum me-  
 dicamentum  
 Sena popu-  
 larium.*

*Quibus scri-  
batur hoc  
Opusculū.*

auxilia à Græcis medicis, Arabibus  
& Latinis fideliter accepta, & ha-  
ctenus magno mortalium com-  
modo probata, hîc, pro mea tenui-  
tate, paucis perstringerem. In eo-  
rum maximè gratiam, qui vel me-  
dicinæ non sunt initiati, vel aliis  
studiis & occupationibus ita sunt  
distracti, vt medicorum libros eis  
legere non liceat. Venio itaque  
à verbis in rem.

*Quibus nominibus uocetur Sena apud  
uarias gentes.* CAPVT I.

*Sena varia  
& gentilia  
nomina.*

**P**LANTA, Græcorum medicis  
iunioribus (nam antiquiores  
eam ignorarunt) σέννα, vt etiam La-  
tinis nuncupata, vel, vt Hermolao  
placet, Senna, Gallis Sené, Germa-  
nis Senet, Hispanis Sen d'Alexan-

dria, & Italis Sena, Aphricanis, Arabibus, ac Mauritanis medicis, Sene, Persis, teste Damasceno Mesue, Abalzemer, patrio vocatur nomine.

*Sena descriptio, pictura & deliniatio.*

C A P V T I I.

**S**ENA herba est foliis constans  
 Glycyrrizæ, subpinguibus &  
 crassiss, caule cubitali, à quo flexiles  
 lori modo exeunt ramuli, flores  
 illi adsunt aurei, veluti brassicæ,  
 purpureis venulis intercursantibus:  
 quibus falcati succedunt folliculi,  
 tenui pediculo è ramulis penden-  
 tes: adeoque naturâ compressi, vt  
 inferior membrana superiori ad-  
 hæreat. Maturescences, impetu  
 ventorum facillè deturbantur, con-  
 tento intus semine quod ex nigro

*Sena del-  
 inatio ex  
 And. Mat-  
 thio, in 70  
 cap. 3 libr.  
 Dioscoridis.*

*Serapio in  
libro de sim-  
plic. medi-  
camentis.*

subuirescit & vuarū vinaceis vsque  
adeò simile habetur, vt non facile  
alterum ab altero, prima oculorum  
obseruatione distingui possit. Se-  
rapio Arabs medicus, lunatas sili-  
quas & oblongas illi ascribit: in  
quibus semina per ordinem dige-  
sta clauduntur, & ab opilionibus,  
impinguandis ouibus, vbi decide-  
runt, diligenter leguntur. Planta  
hæc frigoris summè est impatiens,  
vnde Maio mense debet feri: nec  
vltra Autumnum viget. Priùs fata  
facile perit, seriùs, hyemem non  
sustinet.

*Senam non esse eādem cum Colutea, &  
de utriusque discrimine & pictura.*

## CAPVT III.

*Libro 3 cap.  
17 de plan-  
tarum hi-  
storia.*

FALLVNTVR qui arborem  
eam quam Theophrastus Co-  
luteam appellat, Senā esse ob id ar-

bitrantur, quòd folliculos habeat  
 saginadis ouibus à pastoribus sum-  
 mè expetitos, vt de lunatis siliquis  
 Senæ, paulò antè scripsisse diximus  
 Serapionem: Verùm id discrimi-  
 nis inter vtramque intercedit,  
 quòd Colutea vocata, arbor sit  
 & non herba. Cuius descriptio-  
 nem, qualem ex ipsa arbore mihi  
 licuit in quodam horto amœnissi-  
 mo excipere, hîc proponere non  
 grauabor. Itaque, Colutea arbor  
 est, in hoc Parisiensi agro, vt etiam  
 in aliis frequens: De cuius stipite  
 prodeunt rami quamplurimi, sur-  
 culos admodum tenues ac flexiles  
 hinc inde spargentes, è quibus  
 exeunt folia, scœno græco, vel gly-  
 cyrrhizæ non multum dissimilia,  
 æquali vtrinque serie, & numero  
 (vbique ferè vndenario) perbellè

*Colutea de-  
 liniatio ad  
 vngnem ex-  
 pressa.*

discreta, sed sub autumnum flauescencia, leuique ventorum agitato, vel aliter, cum suis surculis cadiua. Ex eorum alis, maximè ad ramorum cacumina, suo tempore emergunt virgulæ quædam, agnata dicas, foliis vbique viduæ: quæ summa & extrema sui parte, flauos & aureos diffundunt flores: singulos alicubi, binos alibi, ternos, quaternos, & quinos, vel plurimùm senos glomeratim. Qui, genistæ modo, in ferculæ vineaticæ & lunulæ, aut scirpiculæ formam paulatim desinētes, totidem vesicularum, quot illi fuerunt, rudimenta exprimunt. Quæ quidem vesiculæ, ex pediculo admodum fragili, sigillatim pendulæ, in ventrem & carinatū gibbum pedetentim crescunt: viridi primùm & herba-

*Flores Co-  
luteæ, & ex  
ijs folliculi,  
& vesiculæ.*

ceo colore, tum demum subrubescente & rufo. In ijs pars carinata, gibba & conuexa, neruo, ceu septo quodam oblongo, & veluti diaphragmate, in duas parteis dirimitur, æquè ac sima & concaua: re vera peram pastoralem, vel piscatoriam nauiculā esse dicas, sese hinc inde proferentibus à cauda & capite, ceu à prora & puppi, quibusdam appendiculis, quæ ligamentorum vicem ac modulum præ se ferunt. Dictæ vesiculæ, vel, *Vnde distenduntur co-luteæ folliculi.* si mauis, vtriculi & folliculi crescentes, vsque adeò distenduntur & pellucet, vt immisso flatu, quis factum fuisse non temerè sibi persuadeat: Cùm tamen natura, non arte id fieri certò constet, spiritumque distendentem ibi inesse palàm arguat crepitus erumpens

vbi pedibus vel manibus, aut aliter, instar vesicularum in piscibus premuntur. Mēbranei huiusmodi folliculi tādem flaccescunt, semina includentes ad rectam lineam miro ordine vtrinque digesta, parua, & vbi maturuerint, atra ac rotunda, lētis effigie. Sed in Coluteæ pictura & descriptione versatum satis.

*Capite praecedente.*

Quod ad plantam Senæ attinet, non habeo quod in præsentiarum de illius historia & deliniatione aliud proferam, quàm quod paulò antè ex Andrea Matthiolo dictum fuit. Nam hæctenus viam & in sua radice vigentem herbam videre mihi non licuit. Vt ut fuerit, in eo discrepat Sena à Colutea, quòd pressis & lunatis, sic satis, folliculis siliquetur, qui nec turgēt nec distenduntur ac pellucent, vt  
in



in Colutea: & semen, vt scripsimus, In quo dif-  
ferat Sena  
à Colutea.  
 includunt, vuarum vinaceis & gra-  
 nulis sane quàm simile. Quibus  
 addes, quòd Sena paucorum men-  
 sium est herba: Colutea verò mul-  
 torum annorum arbor, semine &  
 ouillo fimo præcipuè nascens, vt  
 tradit Theophrastus: Quo etiam  
 autore, feri debet sub Arcturi oc-  
 casum præmacerato semine, &  
 cùm in aqua pullulare cœperit.  
 Cæterùm & si Colutea Alexandri  
 Magni, ætate non temerè alibi  
 quàm in Lipara nascebatur, iam  
 diu tamen in Gallia multis vt dixi-  
 mus locis viget, ac nomine *Bague-*  
*naudier* omnibus innotescit. Er-  
 rant itaque, meo iudicio, qui ei  
 facultates omnes innoxie tribuunt, Facultates  
Sena non  
conuenire  
Colutea.  
 quas vna Sena sibi peculiariter ven-  
 dicat. Nam præter quàm quòd

vomitiones, non secus quàm genista semen, promouet: Colutea, etiam ventriculo summum negotium facessit, & tormina multa excitat: necnon flatus & intestinorum rugitus: Quorum omnium expers est Sena, vt paulò pòst ostēdemus.

*Quibus partibus suæ plāta sit præstantior, efficacior, & purgantior Sena.*

## CAPVT IIII.

SCRIBIT Ioannes Mesues Damascenus, in Arabicorū medicorum collegio summus & celebris, Senam folliculo quàm foliis efficaciorē esse, præsertim si is ex viridi nigricet, sit modicè amarus, absolutus, subastringēs, recēs, & semen continēs amplum ac pressum, nam

nam vetustate exanimatur. Qui subalbidus est folliculus & imperfectus, non probatur: folia viridia sunt præstâtiora subalbidis, & crassa tenuibus, furculi verò inutiles. Hactenus Mesues. Qui, vtaudiuisti, *Senæ folliculi & folia.* Senæ folliculos in deiicienda aluo, foliis longè efficaciores ac præstâtiores facit: reclamante, non dicam Manardo Ferrariensi, sed etiam diuturna & assidua medicorum experientia: etsi Brasauolus, qui Mesuem tueri videtur, contrarium sentiat. Actuarius siliquoso fructu, à Barbaris vocato, vti videtur. Andreas Matthiolus suis in Dioscoridem doctissimis *Libro tertio cap. 70* Commentariis, hanc controuersiam, sanequàm rectè, mea sententia, ad hunc modum componere satagit: Sciendum, inquit, quòd Senæ folliculi

*Senæ folli-  
culi duorum  
generum.*

qui siccati asseruantur, duorum sunt generum. Vnum per se caducum, & in sua planta arefactum, à quo semen eximunt nigrum & prorsus euanidum: Huic nullas, vel saltem paruas facultates tribuunt. Alterum, ante maturitatem demetitur, crassum, ponderosum & succo prægnans: Quod tegitibus expasum, in umbra venundandum exsiccatur. Huic, inquit Matthiolus, sicuti millies periculum fecimus, non minor vis deiectionaria inest, quàm foliis. De eo itaque sensisse videtur Mesues. Cui de experimento subscribit idem Matthiolus, affirmans se aliquando integrum Senæ campum seuisse (quales in Hetruria, & præsertim in Florentino agro quamplurimi visuntur) vt illius folliculos vi-

*Experimentum  
Matthioli de  
Senæ folliculis  
& foliis.*

rentes & succi plenos decerperet: mox siccatos experiretur: num eadem vis eis inesset quàm foliis: quod tandem ita esse faciliè agnouit. Qui itaque folliculis commodè & salubriter vti voluerint, Matthioli exemplo, Senam serant vt illos & optimos, & recentes in manu habeant, vel saltem probatissimos emant, si tamen eiusmodi reperiri poterunt: si minùs, foliis vtantur selectis, vt passim fieri solet. Nam hodie nullum ferè præscribitur repurgans medicamentum, quod illorum misturam non admittat. Non temerè itaque *Ma-*nardus Senæ folia, folliculis caducis & arefactis purgantiora esse sustinuit. Ioannes Fernelius in omni parte medicinæ, citra controuersiam, summus, Mesuem & Arabes

*Folia senæ  
in vso fre-  
quenti ho-  
die esse.*

*Cap. 10.  
lib. 5. Meth.  
med.*

*Comment.  
in cap. 15.  
lib. 2. de  
med. simpl.  
Mesue.*

*Pharmacopœi  
quorundam  
error, vel  
negligentia.*

sequutus, Senæ folliculos foliis anteponit. Cui Iacobus Syluius sanquam libenter subscribit: vtcūque fuerit, nam vnguem non verterim, qui folliculis vti volet, quales antè scriptum fuit sibi comparet: cui verò folia magis arridebūt, recentia & ampla seligat, à quisquiliis, palcaceis sordibus, & furculis, quibus scatet diligenter repurgata: in quo Pharmacopœi plærique oscitanter, ne dicam turpiter, peccare mihi videntur, dum indiscriminatim omnia, vel coquendo, vel macerando confundunt.

*Senæ bonitas, electio & præstantia.*

CAPVT V.

**Q**UOD attinet ad bonitatem & excellentiam Senæ, ea præstare fertur quæ ex Alexandria Æ-

gypti, vel Syria adfertur. Hanc enim summis laudibus tam Latini quàm Græci medici iuniores efferrunt. Iacobus Syluius, Indicam & Ægyptiam valentio-  
Syluius loco paulò antè citato.  
 rem esse scribit parte media quàm sit Appula & Ligustica: & rursus postremam nostrate Colutea: quæ, vt diximus, falsò & perperàm pro legitima Sena à multis vsurpatur. Vtra verò præstantiora sint, folia an folliculi, paulò antè disputatum est.

*Quo pondere & modo exhibeatur Sena, Arabibus, Græcis, ac Latinis Medicis.* CAPVT VI.

SERAPIO Senæ tritæ ceu pul-  
In lib. de simpl. medicamentis.  
 ueratæ drachmam vnam, coctæ verò semunciam, vel drachmas quinque imperat. Mesues infun-

dit ab aureis tribus, hoc est, à semū-  
cia, vel drachmis quatuor cum se-  
mis, ad vnciam vnam. Ex Græ-  
cis vnus Actuarius, pulueris exhi-  
bet drachmam vnam: in decocto  
verò semunciam. Ioannes Ferne-  
lius dat pulueris ad drachmas duas,  
decocti à drachmistribus ad drach-  
mas sex: diluti verò ab vncia dimi-  
dia, ad vnciam vnam. Quæ omnia  
ad sumentium naturam, & medi-  
candorum vires, ætatem, corporis  
habitum, sexum, & alios scopos,  
prudenter sunt referenda & coa-  
ptanda.

*Libro &  
cap. antea  
notatis.*

*Facultates & probata Senæ præsidia,  
ex Græcis medicis. CAPVT VIII.*

**A**CTVARIUS, qui solus in-  
ter Græcos medicos, quan-  
tum



tum extat, Senæ vires descripsit,  
 memoriæ mādauit illam & bilem,  
 & pituitam, denarii pondusculo *Quibus mor-  
 bis succur-  
 rat Sena, ex  
 Actuatio  
 medico gra-*  
 deiicere, absque vlla corporis & fa-  
 cultatum eius noxa & molestia: *co.*

Secundùm hos humores, retorri-  
 dam, atrámque bilem, etiam mo-  
 destissimè purgat, & illarum suffu-  
 siones ex gallinaceo iure clemen-  
 ter expellit. Insuper vetusto capi-  
 tis dolori, scabiei, comitialibus, &  
 impetigini succurrit, sed modicè  
 feruefactæ Senæ iusculum, potius  
 quàm tritæ farina propinatur: in-  
 ternas etiam obstructions referat.

*Facultates & auxilia Senæ, ex Ara-  
 bibus medicis.* CAPVT IX.

I OANNES Mesues Damasce- *Libro 2. pur-  
 gantium me-  
 dicamento-  
 rum sim-  
 plicium,  
 cap. 15*  
 nus, de Senæ facultatibus & præ-  
 sidiis ad hunc scribit modum.

D

Sena terget, expurgat & digerit: ob id melācholiā & bilem vſtā à cerebro, ſenſoriis organis, pulmone, corde, hepate & liene deiicit. Proinde morbis dictarū partium ab humore huiusmodi proficiſcentibus ſuccurrit, vt melancholicis febribus & antiquis. Gaudium gignit, ſublato humore abſque cauſa externa triſtante, & floridum corpus efficit, obſtructionēſque viſcerum aperit. Decoctum foliorum eius & chamemeli, neruos accerebrum lotionē roborat. Eadem quoque Sena, modo quouis vſurpata, viſum & auditum firmat. Cuius purgatio ſi tarda fuerit & imbecilla, miſtis acribus celerabitur: vt Zinzibere, ſale gēmeo, ſale Indo, & ſimilibus. Ne verò ſtomachum lædat, cardiaca & ſtomachica ei ſunt

*Quoniam  
modo inue-  
nitur & ac-  
celeretur ſe-  
na purga-  
tio.*

miscenda, & largo pondere ex iure  
galli, gallinæ, vel aliarum carnum  
coquenda, vt citra molestiam pur-  
get: vel serò lactis infundetur cum *Quibus ml.  
seri gaudi  
at Sena.*  
spica, deinde parum diu feruebit.  
aut puluis foliorum eius ex lacte  
dulci sumetur. Sunt qui decocto  
eius cum prunis, & spica fœliciter  
purgent. Cæterum mediocrem  
sustinet coctionem. Hactenus  
Mesues.

SERAPIO Arabum Medi- *In lib. sim-  
plicium me-  
dicament.*  
cus, hæc, de facultatibus Senæ,  
posteritatis memoriæ reliquit. Se-  
na mirificè prodest delirio, amen-  
tiæ, scissuris totius corporis, reso-  
lutioni neruorum, phthiriasi, ce-  
phalalgia, scabiei, pustulis, pruri-  
tui & epilepsiæ. Cor etiam roborat  
modò iis cōmisceatur medicamē-

tis, quæ ipsum maximè confirmât.

*Quibus succurrat morbis Sena, & quæ præstet auxilia hominibus, ex Latinis medicis.* CAPVT X.

*Libro 6<sup>to</sup> lo-  
co prius ci-  
tato.*

*Quas cor-  
poris partes  
maximè re-  
purgat Se-  
na.*

**I**OANNES Fernelius Senam & eius auxilia his commendat verbis: Sena melâcholiâmetorridam, nec non bilem, & crassam pituitam commodissimè purgat: non statim è distantioribus locis, sed præcipuè è liene, deinde etiam ex aliis visceribus, ex hypochondrijs & mesenterio: in quibus est omnis eluicij sentina. Ex ijs enim sedibus vix aliud quidquam æquè validè corruptos humores prolicit, aut obduratos tumores euacuat, aut in tenues venas subiens, veteres earum obstructions expedit: neque tamen vicinas hydropicorum aquas

detrahete potest. Diuturnorum  
 atque lentorum morborum, quos  
 viscerum impuritas, aut vetus ob-  
 structio genuit, singulare est præsi- *Mira Senæ*  
 dium: vt lentarum, veterumque fe- *presidia.*  
 brium, melancholiæ, epilepsiæ, sca-  
 bie, impetiginis, vitiliginis, elephā-  
 tiasis, & omnis denique impurita-  
 tis. Sensus pariter exacuit, cor exhi-  
 larat, torsionibus sæpè molesta:  
 non quòd flatulenta sit, sed quòd fir- *Senam fla-*  
 miter hæretes humores, & plerun- *tu lentam*  
 que acres, nequeāt sine sensu dolo- *non esse.*  
 ris auelli. Nunquā tamen deprehē-  
 sum est, vel intestina corradere, vel  
 sanguinem proritare: blandè alio-  
 qui, sed tamen lentè purgans: nulla  
 qualitate infensa, nisi quòd ventri-  
 culo aliquantū grauis: pueris, ac  
 senibus utilis, neque prægnantibus *Senam præ-*  
 aduersa. Permiscenda ei sunt quæ *gnantibus*  
*non esse ad-*  
*uersam.*

*Quandam  
misceri senæ  
conueniat.*

ventriculum roborent, simulque  
tardiores vim extimulent: cuius-  
modi sunt Zingiber, cinnamo-  
mum, aut spica: & quæ leniendo,  
sine torsionibus, facillè deducant.  
Qualia sunt iura pingua, pruna,  
iuiubæ, vuç passæ, viola, althea, po-  
lypodium: & qui ex his fiunt syrapi.

*Comment.  
incap. 15,  
libr. 2. Ioan.  
Mesua.*

IACOBVS Syluius de Senæ  
auxiliis in hunc scribit modum: Se-  
na folliculis latis, sed falcatis, & in  
his semine, vtilior purgando hu-  
mori melancholico & morbis ab  
eo pendentibus & prodeuntibus.  
Multis torminosa est, alijs clemēs,  
pro varia sumentium natura. Tu-  
tius tamen est mastiche, vel cary-  
ophyllis, & alio (vt cinnamomo,  
semine anisi) corrigere: folijs non  
est inefficax. Veteribus omnino

OPVSCVLVM DE SENA. 16  
indicta est planta.

MANARDVS Ferrariensis se expertum dicit, Senam præter iam dicta, & contra Auerrhois sententiam, pituitam etiam purgare: ex Actuarij Græci medici, vt antea monuimus, opinione & experimento. Ad hec, valere aduersus *Senam valere aduersus luem hispanicam.* luem Hispanicam: Aquas etiam purgare sæpenumero visa est.

ANDREAS Matthiolus Dioscoridis interpres ad vnguem factus, de Sena hæc ex multis tradit: E nostrate Sena, inquit, adhuc in *Comment. in cap. 70 libri 3.* agro virēte, & rosarum diluto, ego quotannis syrupum parare cōsueui, qui tutò & largè omnes purgat humores. Datúrque cōmodè prægnantibus, ac pueris, & cuiuscunque ætatis hominibus. Dilutum

*Dilatum Sena præstare  
eius decocto.* tamen magis præstat, quàm deco-  
ctum: quia nulla ex parte exhalat.

Cuius vnciæ quinque, vel sex, al-  
uum absque molestia solvunt.  
Quòd tutò dari possit prægnanti-  
bus & pueris, experientia docuit:  
cui suffragatur Actuarius, Senam

*Quenam ad-  
denda ut al-  
uum valen-  
tius deiciat  
Sena.*

citra noxam purgare tradens. Red-  
ditur medicamentum hoc in dei-  
cienda aluo præstantius atque va-  
lentius, si cassia nigra, aut manna,  
aut rhabarbaro, aut rosarum dilu-  
to, aut rhodopharmaco, quod of-  
ficinæ syrupum rosatum solutivum  
vocant, commisceatur: aut si ma-  
ceretur Sena caprino sero. Visce-  
rum obstructions aperit, auget  
iuuentutem, senium retardat, ani-  
mi hilaritatem adfert: & pleraque  
alia commoda præstat: de quibus  
anteà.

Com-



*Compositio præstantissimi diluti è Sena, eodem Andr. Matthiolo præscribente.* CAPVT XI.

VMANTVR foliorum electissime Senæ drachmę sex: Zinziberis, aut cinnamomi cōtriti, drachma vna: florum buglossi, drachmę duę: misceantur omnia, & fictili vitreato, aut stanneo vase angusti orificij excipiantur: affusisque feruentis aquæ, vel seri caprini, vnciiis decem, vasis osculum adeò occludatur, vt nullus omnino spirandi pateat exitus. His peractis, puluinari plumis anserinis farcto, ignique calfacto vas inuoluatur, & in arcâ ubi pernoctet, reponatur. Sic enim calore seruato, omnem in se facultatem dilutum recipiet, & summè

*Efficacissimum dilutium è Sena, & eius compositio.*

efficax habebitur ad omnes paulò  
antè memoratos affectus, absque  
ylla molestia, & corporis noxa.

*Vinum è Sena medicatum, ex Ioanne  
Mesue. CAPVT XII.*

Lib. 2.  
cap 15.

VINO musteo albo, inquit  
Mesues, miscebat quidã vim  
magnã Senę, post tres menses po-  
tandum dabat: sicque purgabat ce-  
rebrum & sensoria organa, nec  
non gaudium augebat, ac lætitiã.

Si quis alias formas cõponendi  
huiusce vini medicati, & aliorum  
item quorumcũque scire cupit, le-  
gat quæ haud ita pridẽ à nobis scri-  
pta sunt, in Opusculo de variis artifi-  
ciis & facili methodo cõponendo-  
rum olerum, radicum, fructuum,  
vuarum & vinorum, quę diuersis  
morbis

Reperitur  
Lutetie a-  
pud Federi-  
cum Morel-  
lum Typo-  
graphum  
Regium.

OPVSCVLVM DE SENA. 18  
morbis iucūdè,& absque vlla noxa  
clementer succurrant: illic inue-  
niet quod didicisse iuuet.

Hæc sunt quæ in præsentiarū de  
Senæ viribus & præstátia scribere  
visum fuit. Cuius *πλυχρήστα* auxi-  
lia qui attentè obseruabit, illam, re-  
uerà, non ampliùs Senam, sed Sa-  
nam herbã *κατὰ μετωνυσίαν, καὶ συνεχοδι-  
κῶς* perappositè nūcupabit. Fruere,  
Lector optime, & propicio cælesti  
illo Æsculapio (sine quo est omnis  
medicina venenum) fœliciter vte-  
re: vt sano, è Sena, sit mens in cor-  
pore sana.

FINIS.


**A**D MONITVS à Typographo paginas aliquot nudas, & albas, vt vocant, sub finem Opusculi nostri superesse, precium operæ facturum me existimaui, si scripto aliquo insigni eas vestirem et reple-rem. Illud cum diu multumque disquisiuissem, ecce, peropportunè inter chartulas meas sese obtulit Procli Platonici philosophi Narratiuncula, cum vetustate, tum eruditione ad primè commendabilis. Huius itaque fragmentũ, vel potius paraphrasticam Epitomen è Græco hîc pro coronide, tibi assuere visum fuit.



**V**EMADMODVM Amatores, inquit Proclus, à formositate quæ circa sensum versatur, paulatim ad diuinam pulchritudinem transiuerunt: ita prisci arcanorum Naturæ perscrutatores dum rerum naturalium quandam *συμπάθεια*, cognatione & amicitiam aliorum ad alia & manifestorum ad vites occultas animaduertunt, & omnia in omnibus esse cognouerunt, sacram inter eos & arcanam scientiam condiderunt, scientes in infimis suprema latere, & in supremis infima. In cælo quidem terrena, sed modo cœlesti: & in tellure cœlestia, sed modo terreno. Nam vnde arbitramur plantas illas quas Solisequas vocât, pro Solis motu ad Solem conuerti ac moueri & Lunisequas, ad Lunam, nisi quòd illæ velut precantes, hymnos concin-

nunt ad ordinis sui duces? Sed alia quidem intellectuali modo, alia rationali, alia sensibili id agunt. Ex quo fit vt Solisequa planta, quomodo-  
 docunque potest ad Solem moueatur: Cuius  
 pulsationem circuitu in aëre factam si quis audi-  
 re posset, proculdubio harmoniam quandam  
 erga suum regem ex ea in illum conuersione mo-  
 dulatam obseruaret, qualem planta ipsa potest  
 perficere. Quamobrem licet in terra, & Solem  
 & Lunam aspicere, sed pro terrena qualitate &  
 modulo. Ad hæc in cœlo plantas, lapides &  
 animalia pro cœlesti natura vitam intellectu-  
 alem habentia. Quod vnum veteres contem-  
 plati, aliis cœlestium, aliis terrenorum naturam  
 appositè tribuerunt: & hinc diuinas virtutes ob  
 quandam similitudinem in locum terræ, & res  
 illius non ineptè deduxerunt. Quid de Loto di-  
 cam? qui antè Solis exortum folia in se compli-  
 cat, & eodem oriente illamet paulatim explicat,  
 donec ad mediam cœli plagam ascenderit, quo  
 tempore illa prorsus pandit & aperit? Quatenº  
 verò à summo cœlo imum petit, sensim eadem  
 contrahit. Qua vna foliorum dilatatione & con-  
 tractione, numquid videtur Solem non minus  
 honorare, quàm homines genarum gestu, ac labio-  
 rum motu & agitatione? Nec in plantis solum  
 quæ vestigium habent vitæ, sed etiam in lapidi-  
 bus eam imitationem & participationem supe-  
 riorum luminum aspicere licet ac demirari. Nam  
 Helites lapis solares radios, aureis suis radiolis  
 imitatur: & Selenites figura lunæ cornicularis  
 similis, quadam sui mutatione lunarem sequitur

motum. Sic Helioselenus quodammodo Solis & Lunæ cōgressum æmulatur & colore figurat. Adeò diuinorum plena sunt omnia, terrena cœlestium, cœlestia verò supercœlestium: proceditque quilibet ordo rerū, vsque ad vltimum. Sunt & animalia plæraque solaria, veluti Leones & Galli, numinis cuiusdam solaris, pro sua natura partícipes, vnde mirū, est quantū inferiora in eodem ordine superioribus cedant: quanuis magnitudine & potentia illis nihil concedāt. Hinc ferunt Gallum à Leone quamplurimum timeri, & quasi coli. Cuius rei causam à materia aut sensu assignare non possumus, quin potius ab ordinis contemplatione & principatu: quòd solare numen Gallo magis faueat ac cōueniat quàm Leoni. vnde ille surgenti Soli, cantu, ceu hymnis quibusdam, applaudit, eūque, dum ex Antipodum medio cœlo ad nos desceñt, quasi euocat & cātando festinare inuitat. Addo quòd solares dæmones nonnunquam visi sunt leonina fronte ac facie: Quibus cū Gallus obiceretur, repentè disparuerunt: quòd sanè inde procedit, quia quæ in eodem ordine sunt inferiora, superiora semper reuerentur, illaque reformidant non secus quàm multi de infima plebe, qui quoties summorum & diuinorum viro-  
rum, non dicam faciem, sed imagines aut statuas intuentur, non solū eas reuereri solent, sed etiam formidare ne illis præsentibus aliquid turpe committant. Hactenus Proclus.









LIBRI LATINI AB ANTONIO  
Mizaldo Monluciano, Medico & Mathema-  
tico, hactenus editi, & publicæ utilitati  
expositi, anno, loco, & typographo  
corundem expressis.



*PHÆNOMENA, siue temporum signa,*  
*Lutetia impressa, Apud Reginaldum Cal-*  
*derium, anno 1546.*

*Meteorologia, siue rerum aëriarum Cō-*  
*mentariolus, Lutetia apud eundem, &*  
*anno eodem.*

*Cometographia, crinitarum stellarum na-*  
*turam & portenta libris duobus proponens, Lutetia apud*  
*Christianum Vueshelum, 1549.*

*Aesculapii & Vrania medicum & astronomicum ex con-*  
*gressu colloquium, Lugduni apud Ioannem Tornesium, 1550.*

*Planetologia, astronomicè & medicè demonstrata, Lugduni*  
*apud Matthiam Bonhomme, 1551.*

*Mundi sphaera, seu Cosmographia, tribus libellis proposita,*  
*Lutetia apud Guil. Cauellat, 1552.*

*Zodiacus, siue duodecim signorum cæli Hortulus, Lutetia*  
*apud Carolam Guillard, 1553.*

*Planeta, seu Planetarum Collegium cæleste, Lutetia ibidem*  
*& anno eodem.*

*Asterismi, siue stellarum octauæ orbis imaginum Officina,*

LIBRI AB ANTONIO MIZALDO  
cum Encomio docti Astronomi rerum cæli interpretis, ibidem &  
anno eodem.

Catalogi Sympathie & Antipathie rerum aliquot memora-  
bilium, Lutetie apud Iac. Keruer, 1554.

Ephemerides aëris perpetue, seu popularis & rustica tempe-  
statum Astrologia, Lutetia apud eundem, & anno eodem.

Arcanorum nature syluula, Lutetia, & apud eundem, 1555.

Harmonia cælestium corporum & humanorum astronomicè  
& medicè demonstrata, apud eundem & anno eodem.

Ephemeris cælestis, anni 1555, præter modum vulgarem no-  
ua methodo scripta & supputata, apud eundem, & anno eodem.

Vsus & explicatio Ephemeridum cælestium, anno eodem &  
apud eundem.

Symbolum funebre in obitum Orontij Finai Regij Mathema-  
tici, cum eiusdem vita & tumulo, Lutetia apud Aegidium  
Gourbin, 1555.

Ephemeris cælestis anni 1556, Lutetia apud Iacobum  
Keruer, 1556.

Ephemeris cælestis, anni 1557, ibidem, anno eodem, &  
apud eundem.

De arcanis nature libelli quatuor pulcherrimi, Lutetia  
apud eundem, 1558.

In eadem sanequàm atrocem & acerbam Antonij Minardi,  
in senatu Parisiensis Præsidis inculpatisimi Nania, Lutetia,  
apud Federicum Morellum, 1559.

Hortorum secreta, cura & auxilia, libris tribus pulcherri-  
mis proposita, apud eundem, 1560.

HACTENVS COMPOSITI ET EDITI.

De Hortensium arborum insitione, apud eundem, & anno eodem.

Paraclesis super morte Francisci Oliuarij Galliarum Cancellarij, Lutetie apud Benedictum Pneuotium, 1560.

Alexikepus, seu Auxiliaris & medicus Hortus. Lutetie apud Federicum Morellum, 1564.

Methodus noua comparandorum fructuum, olerum, radicum plantarum, vuarum & aliorum, quæ corpus clementer purgent, apud eundem, Et anno eodem.

Diuersa artificia componendorum vinorum, quæ varijs morbis benignè auxiliantur, unà cum multorum catalogo Et descriptione, apud eundem, & anno eodem.

Centuria nouem rerum memorabilium, vtilium & iucundarum, apud eundem, anno 1566.

Cosmologia, historiam superioris & inferioris mundi, à varijs variè & obscure traditam, quatuor pulcherrimis Opusculis dilucidè ac breuiter admodum proponens: apud eundem, 1569.

Opusculum de Sena, herba inter omnes, quotquot sunt, hominibus beneficentissima & saluberrima, apud eundem, anno 1572.

Dioclis Caristij medici ab Hippocrate fama & etate secundi, aurea ad Antigonum regem Epistola è Græco latinè reddita, De morhorum præagijs, & eorundem extemporaneis remedijs paratu facillimis, apud eundem, & anno eodem.

Arnaldi à Villa-noua medici præstantissimi Consilium ad Arragonum Regem de salubri Hortensium usu, apud eundem, & anno eodem.



LIVRES EN LANGVE FRANCOISE  
du *susdict* ANTOINE MIZAVLD,  
*Medecin & Mathematicien.*



**M**E Miroir du temps & presages sur  
le changement d'iceluy, imprimé à  
Paris par Regnauld Chauldiere,  
l'an 1547.

Meteores, ou discours des choses  
qui sont faictes & engendrees aux  
trois regions de l'air, avec les causes:  
par le mesme Chauldiere, 1548.

Ephemerides de l'air, ou bien Astrologie rustique &  
perpetuelle sur les signes des mutations de temps. à Pa-  
ris chez Jaques Keruer, 1554.

Celeste Ephemeride pour l'an 1555, chez le mesme  
Keruer, & audist an.

Explication, vsage & pratique des Ephemerides cele-  
stes, avec tables à ce necessaires, chez le mesme Keruer  
1556.

Ephemeride celeste pour l'an 1556, chez le mesme  
Keruer, & audist an.

Ephemeride celeste pour l'an 1557, chez ledist Keruer,  
& audist an.

Singuliers Secrets & secours contre la Peste fort  
heureusement par plusieurs fois experimentez. Ils se  
trouuent à Paris chez Federic Morel, & furent impri-  
mez l'an 1562.

LIVRES FRANÇOIS.

Les Louanges, antiquitez, & excellences d'Astrologie, extraictes & traduites du Grec de Lucian, & imprimées à Paris par Thomas Richard, 1563.

Nouvelle inuention pour incontinent iuger du naturel d'un chacun par la seule inspection du frôt & de ses lineaments, à Paris chez Guillaume Chaudiere 1565.

Opuscul des Secrets de la Lune, & du consent & accord, lequel plusieurs choses de ce bas monde recognoissent, & à veuë d'œil, ont commun avec ladicte Lune. à Paris chez Federic Morel imprimeur du Roy, 1570.

ANTONII MIZALDI MONLV-  
ciani, Medici & Mathematici, Libri aliquot  
nondum in lucem editi, sed posthac  
figillatim edendi, si Deus &  
fortuna sinat.

**Q**uadrupedum, & animalculorū ruris & vrbis quo-  
rundam medica Historia, auxiliarium arcano-  
rum & remediorum omnis generis fecunda: sum-  
morūque medicorum testimoniis, & variis eorum-  
dem experimentis illustrata.

Sterilitatis annonæ, & eiusdem caritatis, nec non sta-  
tus anni cuiusvis Præfagia: de variis priscorum & re-  
centiorum observationibus accuratè accepta & ad-  
notata.

Præludium in symphoniam Medicinæ & Astronomiæ,  
ad Tyrones.

Lunæ & Oceani concordia, philosophicè & astronomi-  
cè demonstrata. Vbi æstuum maris in affluxu & efflu-  
xu tempora cum causis dilucidè aperiuntur.

Methodica pestis descriptio, & eiusdem precautio ac  
salutaris curatio.

Mirabilium naturæ operum Cōmentarioli octo, oc-  
cultarum & latentium proprietatum in sympathiis & an-  
tipathiis, locupletissimi: de priscorū, & recentiorum phi-  
losophorum, medicorum & astrologorum lectione, fide  
summa & pari diligentia concinnati.

Astrologica Problemata, rerum cæli studiosis ad-  
primè vtilia, & hactenus desiderata.

Aphorismorum Hippocratis sectiones septem into-

LIBRI EDENDI.

tidem classeis, iuxta communes medicinæ locos, accuratè digestæ, & adnotatiunculis non vulgaribus illustratæ.

Commentariolus in duos priores libros Apotelesmaton Claudii Ptolemæi, candidatis rerum cæli candidè impertiendus.

Iatromathematicæ, seu medicinæ & astrologiæ Harmonia, à tribus summis & antiquissimis viris, Mercurio Trismegisto, Hippocrate & Galeno, indicibili symphonia modulata.

Astrophania, illustriorum stellarum inæstantium exortus & occasus, statis mensium anni diebus, ad Gallicanum clima, & vicinarum regionum, fideliter proponens.

Methodicæ tabulæ & breues, in sex libros Claudii Galeni de differentiis & causis morborum & symptomatum.

Conciliatio medicorum & astrologorum in controversia Lunæ, & calculi dierum decretorum in morbis. Vbi de hora decubitus, & critica figura *Ægyptiæ* Ptolemæi, cum proprio eius instrumento.

Seleniatricum, hoc est medicum de Luna Opusculum: centum Lunaribus Aphorismis statum morborum & ægrotantium non obscure indicans.

LIVRES FRANCOIS DVDICT  
ANTOINE MIZAVLD, *qui ne*  
*sont encores imprimez.*

**P**opulaire instruction pour trouuer en tous temps & lieux, sans aucun Almanach, vn chacun renouuellement & changement de Lune, avec exemples fort familiers & faciles.

Pour incontinent sçauoir, sans aide d'aucun liure, en quel Signe du Zodiaque fera la Lune vn chacun iour.

Cognoistre facilement par la Lune de Mars, le iour de la solennité du saint Pasque, & Resurrection de IESVS-CHRIST: comm'aussi toutes les festes mobiles qui precedent & ensuiuent ledict Pasque. Et ce sans aucun Calendier, ou Almanach.

Table pour le mesme fait, calculee pour cinq cents & quatorze ans à venir: sçauoir est depuis 1570, iusques à 1684. Sans y auoir omis le nombre d'or, l'epacte, cycle solaire, & lettre dominicale, qui appartiendront à vn chacun des ans susdicts.

Discours de plusieurs remedes faciles à trouuer & composer contre les bubons, bosses & charbons des pestiferez: le tout experimenté par les denommez audict discours.

Rustiques & populaires discours de la Lune, sur plusieurs choses, lesquelles à l'œil se practiquent par le moien du rayon & corps lunaire.

